



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnaburgensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

Decretvm VI. De Regularibus.

urn:nbn:de:hbz:466:1-14298

dum venit. Quare in posterum negligentes sine remissione multatos se sentiant.

DECRETVM V.

Declaratorium super sensu juramenti Pastoralis.

Cum etiam in hac Synodo circa interpretationem juramenti pastoralis, quod anno 1628 in Synodo Noltra majori par. 2. cap. 10. publicatum fuit, in verbis §. ultimi. *Frustrum anni, &c.* Item circa distributionem missionum, si quando Pastorem ante ejusdem solutionem, ex hac vita discedere contingat, dubia ab ipsismet Pastoribus mota sint; Illustrissima S. C. auditis rationibus dubitandi, praemisso per Decanatus scrutinio, re mature discussa, de consilio Pastorum, has quaestiones ita decidendas aestimavit. Ac primo quidem; quod si Pastorem, qui agros conseminavit, ante festum S. Iacobi mori contigerit, fructus usque ad S. Martini festum pro deservitura obligati sunt. Quod si vero post S. Iacobi festum mors contigerit, antequam agri conseminati sint, idem quod supra observetur: si vero agros jam conseminaverit, pacifice inter Executores & successorem habita ratione expensarum & onerum, nec non agrorum conseminatorum, super deservitura vel ad festum Paschæ aut S. Iacobi conveniatur, aut ad Nos vel Officiale Nostrium recursus habeatur. Iura stolæ vero subito ad adventum & deservituram Successori indistincte debeantur.

Alterum dubium circa Missaticum etsi id plerique in locis in fine anni circa festum Nativitatis Domini solvatur, ideoque durum videatur, ut is qui majori forte anni parte servivit, si tamen illum diem solutionis non supervivat, omni emolumento careat. Hinc de unanimi Pastorum consilio visum fuit expedire, ut pro rata anni seu deservitura inter defuncti executores, successoremque juxta regulas æquitatis dividatur. Ideoque auctoritate Noltra ordinaria presentibus edicimus ac mandamus, ut in posterum supradicto modo difficultas hæc determinata ac decisa sit & maneat, & secundum hoc omnes Noltri Iudices & Officiales procedant.

DECRETVM VI.

De Regularibus.

Cum etiam Regulares teneantur sub certis pœnis publice legere aliquot decreta S. Congregationis ad ipsos spectantia, & quidem statutis temporibus per annum, ut illi facilius & commodius ea habere possint, placuit ea huic Synodo inferere, & succincte per capita prælegere: Ut autem ipsum tenorem totum habere possint, typo similiter huic

Synodo jungi curabimus; monentes interim omnes, & singulos ut Apostolicis mandatis, pro ut obligantur, satisfaciant.

Primum est. Constitutio Clementis VIII de largitione munerum, cum ejusdem confirmatione & declaratione facta ab Urbano VIII, sub pœna privationis officii, vocisque tam activæ quam passivæ, Mense Januario legenda. *Vid. infr. sub lit. H. I.* secundum. Constitutio Urbani VIII de celebratione & onere missarum susceptarum, ne ex earum multitudine animæ defraudentur sub certis pœnis pro feria secunda post Dom. Adventus, ac feria sexta post festum Corporis Christi.

Decreta pro reformatione Regularium tam Monachorum quam Mendicantium cujusque Ordinis & instituti Clementis VIII. *Sub lit. L.*

Decretum ejusdem super casuum reservatione ab omnibus Regularibus superioribus observandum. *Sub lit. M.*

Ejusdem decretum super forma recipiendi Novitios Regularium ad habitum & professionem. *Sub lit. N.*

Institutiones super receptione & educatione Novitiorum Clementis VIII. *Sub lit. O.*

Decretas Congregationis Concilii Urbani VIII. jussu edita de Regularibus Apostatis & ejectis. *Sub lit. P.*

Decretum Urbani VIII de publicatione annua præfatorum & aliorum decretorum. *Sub lit. Q.*

Revocatio omnium privilegiorum contra Concilium Trid. Pii IV. *Sub lit. R.*

His decretis lectis, Illustrissimus per Officialem interrogari fecit omnes & singulos num aliquid habeant alterius pro utilitate Religionis, & status Ecclesiastici ac hujus Diœcesis propendere? Omnibus vere tacentibus, post aliquam moram interjectam Illustrissimus pro conclusione Synodalis sermonis adduxit sex impedimenta quibus Diabolus nititur timorem Dei & Zelum proximi in nobis vel eripere vel impedire: Subjungendo ex probatissimi Authoris P. Ioannis Dominici Ottenelli Soc. IESU, præclaro libro, quem inscripsit, nonnulla bona monita, & casus conscientia circa periculosam conversationem, anno 1646, edito Florentiæ, horribilia exempla hujus nostræ ætatis ac sæculi, quæ tum in Italia, tum in aliis locis contigere circa personas Ecclesiasticas; ac cum magno fervore sermonem conclusit, non sine fructu ut postmodum experientia docuit.

Exempla hæc invenies infra sub litera S.

Omnibus igitur, ut præfertur, divina cooperante gratia, ad majorem Dei gloriam, & Ecclesiasticæ discipline reformationem peractis, Promotores insisterunt pro conclusione Synodi, & reliqua juxta caerimonias priorum Synodorum Illustrissimo presidente peracta fuerunt. In fine proxima Synodus vernalis anni quinquagesimi sexti in feriam tertiam post Dominicam Oculi, quæ erit 21 Martii, pro more indicta, ac præsens cum benedictione Episcopali intra sextam & septimam vesper-

*tinam in Ecclesia Cathedrali dimissa fuit. Duobus tur, ab Illustrissima S. C. decreta & expedite
seque- tribus diebus variæ ordinationes & expeditio- fuerunt.
nes, & quæ alias necessariae resolutionis videban-*

ET quia ego CHRISTIANUS BROCKMAN à supramemorato Reverendissimo & Illustrissimo Præside in Actuarius hujus sacrae Synodi deputatus fui, decretorum Synodaliū promulgationi, reliquisque in ea pertractatis interfui, & in fidem eorundem propria manu subscripsi. Acta sunt hæc anno à partu Virgineo M D C L V, Pontificatus SS. D. N. Alexandri Papæ septimi primo, Mensè & loco quibus supra, præsentibus Venerabilibus ac Eruditis Dominis Antonio Zöllinger, & Nicolao Schaberg, Cathedralis Ecclesiæ Osnabrugensis Vicariis ac respective Sacristanis, Notario publico, testibus, specialiter ad hoc requisitis, & fide dignis.

CHRISTIANUS BROCKMAN,
*hujus Synodi Actuarius specialiter ad hoc
deputatus, & Pastor in Wahlenherst, &c.*



BVLLA